



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-3-40-462-4/24**
Datum: **26.11.2024. godine**

«Agencija za vodno područje rijeke Save» Sarajevo rješavajući po zahtjevu investitora Selmanović Hakije iz Kalesije za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme muznih krava sa pratećim objektima, izgrađene u naselju Jajići, općina Kalesija, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Investitoru Selmanović Hakiji iz Kalesije, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme muznih krava sa pratećim objektima, izgrađene u naselju Jajići, na zemljištu označenom kao k.č. broj 1528/1 i k.č. broj 1529 K.O. Kalesija, Općina Kalesija.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije, izvršenim uviđajem na objektu, pod slijedećim uslovima:
 - 3.1. Da korisnik obezbijedi da se sistem za prikupljanje i zbrinjavanje otpadnih voda nastalih u procesu rada farme muznih krava sa pratećim objektima održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarnе zaštite vode za piće, a u cilju zaštite podzemnih i površinskih voda.
 - 3.3. Otpad koji nastaje u postupku rada farme muznih krava sa pratećim sadržajima, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
 - 3.4. Da se čišćenje i pražnjenje vodonepropusne septičke jame bez preliva, u koju se zbrinjavaju tehnološke otpadne vode od pranja objekta i opreme za privremeno skladištenje mlijeka, vrši pravni subjekt ovlašten za tu vrstu djelatnosti, prema posebnom ugovoru.
 - 3.5. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.6. Da se kod pranja koriste sredstva koja su prikladna okolinskim zahtjevima.
 - 3.7. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.8. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.

- 3.9. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.10. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.11. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. U periodu važenja ove dozvole, Korisnik je dužan provoditi sve mjere i aktivnosti propisane istom.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Selmanović Hakija se pismenim putem obratio ovoj Agenciji sa zahtjevom za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme muznih krava sa pratećim objektima, izgrađene u naselju Jajići, na zemljištu označenom kao k.č. broj 1528/1 i k.č. broj 1529 K.O. Kalesija, Općina Kalesija.

U provedenom postupku dostavljena je i pregledana sljedeća dokumentacija:

- A. Opšta dokumentacija:
 - Ovjerena kopija lične karte Selmanović Hakije;
 - Rješenje o vodnoj saglasnosti broj: UP-1/21-2-40-407-2/22 od 16.08.2022 godine izdato od strane „Agencije za vodno područje rijeke Save” Sarajevo,
 - Ovjerena kopija Rješenja o vodnoj saglasnosti broj: 04/1-11-21-27560/22 od 05.09.2022. godine izdato od Ministarstva poljoprivrede, šumarstva i vodoprivrede Tuzlanskog kantona,

- Ovjerena kopija Rješenja o naknadnom odobrenju za izgrađenu farmu krava kapaciteta 102 mjesta krupne stoke, broj: 02/2-1-19-2-1768 od 14.06.2024. godine izdato od strane Službe za prostorno uređenje, geodetske i imovinsko-pravne poslove, Općina Kalesija;
- Zbirni izvještaj o izvršenom tehničkom pregledu objekta farma krava;
- Izvještaj o izvršenom tehničkom pregledu objekta farma krava;
- Zapisnik o izvršenom tehničkom pregledu na farmi krava - elektro dio i protupožarna zaštita;
- Dokaz o uplaćenju upravnoj taksi.

B. Tehnička dokumentacija:

- Glavni projekat prikupljanja, tretmana i ispuštanja otpadnih voda za objekat - štala za stoku, urađen od strane ovlaštenog pravnog lica „TQM“ d.o.o., Lukavac broj: 10-93/22, august 2022 godine;
- Revizija glavnog projekta projekat prikupljanja, tretmana i ispuštanja otpadnih voda za objekat - štala za stoku, urađena od strane „Euroing“ d.o.o. Bihać, august 2022 godine;
- Glavni projekat legalizacije izgradnje poljoprivrednog objekta-farma krava, urađen od strane „HG-INŽENJERING“ d.o.o. Tuzla;
- Revizija projektne dokumentacije za izgrađeni poljoprivredni objekat-farma krava, urađen od strane „QM SOLUTIONS“ d.o.o. Tuzla.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetne farme i tom prilikom je sačinjen Zapisnik o uviđaju broj: UP-1/21-3-40-462-2/24 od 01.11.2024. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija na kojoj je izgrađen objekat za smještaj muznih krava se nalazi u naselju Jajići, općina Kalesija, na zemljištu označenom kao k.č. broj: 1528/1 i k.č. broj 1529 K.O. Kalesija, Općina Kalesija.

Kapacitet objekta za smještaj muznih krava je 102 grla, u skladu sa Rješenjem o naknadnom odobrenju za izgrađenu farmu krava broj: 02/2-1-19-2-1768 od 14.06.2024. godine izdato od strane Službe za prostorno uređenje, geodetske i imovinsko-pravne poslove, Općina Kalesija.

Snabdijevanje vodom farme vršiti će se sa mjesnog vodovoda Jajići.

U postupku rada objekta za uzgoj muznih krava će nastajati sanitarno-fekalne vode (osoblje zaposleno na farmi), tehnološke otpadne vode (tečni otpad od čišćenja štala i prostora oko štala, osoke iz štala, procjedne vode iz objekata za silažu i procjedne vode sa deponije čvrstog stajnjaka te otpadne vode od održavanja čistoće i higijene muzilica i mljekare).

Tehnološke otpade vode od pranja objekta i opreme za privremeno skladištenje mlijeka će se zajedno sa sanitarnim vodama odvoditi u vodonepropusnu septičku jamu bez preliva zapremine $V = 450 \text{ m}^3$, koja će se jednom mjesečno crpiti i odvoziti od strane pravnog subjekta ovlaštenog za tu vrstu djelatnosti, prema posebnom ugovoru.

Kruti stajnjak će se odlagati u vodonepropusnu lagunu-đubrenku na predmetnoj lokaciji, kapaciteta 300 m^3 , do odvoženja na poljoprivredne površine.

Mlijeko će se privremeno skladištiti u prostoriji za laktofriz te će se iz istog pretakati u cisterne za odvoz mlijeka od strane potencijalnih kupaca. U planiranom objektu neće se vršiti prerada mlijeka.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 115. - 118. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na

osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je Investitor, Selmanović Hakija, ispunio minimum uslova za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme matičnih jata kokošaka izgrađenog u naselju Jajići, Općina Kalesija te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Meho Čaušević, B.Sc.ing.tehn.

Prilog:

- Tehnička dokumentacija navedena pod tačkom B. obrazloženja rješenja

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.grad

Dostaviti:

- Selmanović Hakija, ul. Jajići bb, Kalesija (Prilog)
- ⊙ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo